

四庫全書

集部

欽定四庫全書

集部

鹿皮子集卷二至四

詳校官編修臣范來宗

中書臣劉源溥覆勘

總校官編修臣王燕緒

校對官中書臣王家賓

謄錄監生臣章玉植

欽定四庫全書

鹿皮子集卷二

元 陳樵 撰

樂府

出塞曲

為戎潼關  
李總管賦

屬鏤夜啼光屬地將軍一出橈槍死行塵不動人歸市  
帶甲如雲自天至取君甲馬為君洗分明袖有銀河水  
手中遺下泥一丸不封函谷封泰山

夜闌曲

碧宇星回夜漫漫靈蕪煙煖重薰薦冷翠香銷青桂枝  
冰荷蓋光光遶惟花樓艷舞金菱蕤吳羹蜀酒精瓊糜  
酒闌半解龍綃衣春朝曲渚問鷓鴣

海人謠

海南蠻奴髮垂耳朝朝采寶丹涯裏夜光盈尺出飛魚  
栢葉雙珠寒蒞蒞幽箔連錢生綠花切玉蠻刀如切水  
九譯來朝萬里天北風不動琅玕死

望夫石

征人執戟天西北十載功成歸不得何不忍死待我君  
我君化石祗化心

東飛伯勞西飛燕題飛花亭

東飛伯勞西飛燕花光絮影從風轉蜂黃蝶粉照靈葩  
不散明珠祗散花霑衣墮袂花如雨羽人化蝶隨花去

與人下顧笑春紅春閨一昔生秋容

一作吳蕉未省生秋風

骨齊

熊耳君知否花艷春暉不經久羽衣一拂千萬春春花  
墮益齊崑崙

中秋月

銀漢西流烏接翼回首人間化為碧瑤臺月裏可避

闕

三郎錯路歸魚鳧霓裳月裏親偷得却怪李暮偷壓笛

寒食詞

綿上火攻山鬼哭霜華夜入桃花粥重湖煙柳高插天  
猶是咸淳賜火烟

行路難

褰帷取流蘇流蘇不解連環解離情別思出君懷教人

枉結流蘇帶作書報天孫河翻浪動七香車折伊蘭兮  
捐艾蕭伊蘭化作榛中草美盼何須比目魚六翮安用  
頻伽烏文鴛宛頸柰枝連不如見月生羽翰

虞美人草詞

美人不願顏如花願為霜草逢春華漢壁楚歌連夜起  
騅不逝兮奈爾何鴻門劔戟帳下舞美人忍淚聽楚歌  
楚歌入漢美人死不見宮中有人羸

七夕宮詞

內人拜月金鋪戶鳳宿梧枝秋葉下露華入袂玉階寒  
織署錦工催祭杼月下金鈿照骨明同心絲繒紅生縷  
素爪碧寶上華樓夜闌颺馭下銀州

鴈來紅

東朝一書成百戰上林一書旌節返誰傳驕子一函書  
人不如禽知慮遠自從燕滅秦晉亡是非直到空中鴈  
蘇郎寒絕鴈來紅脚下胡姬殘綵線願燕在北秦在西  
鴈去鴈來無是非



五言古詩

清隱亭

白日照陽春九陌揚遠塵往來酣蟻戰誰是投閒人人  
生苟知足政復貴隱淪萬事等大夢汨沒徒艱辛所以  
賢達士不肯勞其神結亭林泉間歸來養清真牕虛野  
烏狎樹密山猿馴草色上階秀花枝倚檻新俛仰有佳  
趣樽酒時相親終然遠塵俗不愧無懷民

雨香亭

花香不因雨雨過花更香氤氳入几席馥郁侵衣裳恍  
疑熱沉水輕煙逐風颺此時鼻觀通百慮都已忘願携  
白玉盃掇英挹天漿灌沐紫金丹卯酉滋芬芳服食養  
精魄一息三千霜絕勝仙掌露灑氣凝秋涼

悅心亭

清晨攬衣起感物暢我情春風從何來草木忽已榮深  
池躍游儵喬木遷鳴鶯俛仰極萬類氣機足生生哲人  
貴冥會悠然竟何營此樂難具述酒至且復傾

答李齊賢言別

古來青雲士論德不論年及時揚意氣車服耀且鮮譬  
彼桃李花逢春各爭妍胡能學蘭菊遲暮秋風前羨子  
富年華文思如湧泉詞場早騰譽海內推英賢而我竟  
何為著鞭若不先賦命有遲速行止任自然吾觀鴻鵠  
飛低迴未須憐會當振六翮高舉摩青天

題松澗圖

鬱鬱澗上松磊磊澗中石石泉有餘韻松枝有餘色高

人事幽討結廬此  
栖息欵枕聽潺湲  
開軒盼溶碧俛仰  
欣有契足以愒昕夕  
我亦厭塵囂久焉慕岑寂  
他年倘相過勿謂予生客

送李仲積北上

圖名當入朝  
圖利當入市  
丘壑多賤貧  
胡為久留此  
入市不圖利  
入朝不圖名  
不如丘壑間  
逍遙抗高情  
白日從東來  
忽焉向西沒  
急景易蹉跎  
紅顏坐消歇  
鼎鼎百年內  
已過四十春  
借問百年老  
能有幾何人  
縱使創還

丹可以長不老志士惜分陰立身亦不早回首望堂上  
慈親雙鬢皤得祿奉榮養其如遲暮何絕裾固無取負  
米良足美違離膝下去豈比蕩游子戕戕黃金臺鳳詔  
求賢才君行會有遇名成早歸來

把酒

把酒勸白日日車邈難攀朝來出東海薄暮沉西山東  
西若循環來去無時閒何如延光景使人駐朱顏

題鄭仲潛東明山鑿池曰靈淵

鑿池得清泉，泉清乃見天。寧知天可見，有自未鑿前。池  
泉一何靜，天體一何圓。仰視天廣覆，俯察天在淵。俛仰  
倏上下，孰得知其然。至人有真見，不滯方若圓。百慮本  
一致，萬殊同一原。淵淵與浩浩，信匪言可宣。天運妙不  
息，君子貴乾乾。孔聖有明訓，請子觀逝川。

送吉甫北上

之子冰雪姿，冥心學仙真。官卑且勿念，况復憂其貧。邇  
來太白山，山勢凌秋昊。雲盡月照夜，花開鳥鳴晨。閒居

少公事猿鶴為比隣探芝過林麓釣魚遊水濱七年不  
得調幽興如逸民通塞任物理聊用安此身憶昔始相  
識交情日相親聞君鍊藥說秘之不肯陳金液且莫採  
何以製水銀豈伊蓬萊中無分追後塵君今別我去九  
闕朝帝宸功名可就慎勿煩精神閨風青莪莪海波  
白粼粼他年重會面笑盼桃華春

雙柏 題畫

亭亭山上柏柯榦如青銅蒼古拔俗姿肯作兒女容風

霜日搖落萬木為之空爾獨不見摧屹立如老翁乃知  
歸根妙生意恒內融願乘雷雨興化作雙飛龍

蘭竹

幽蘭生石間隨風播芳馨埋沒荆榛叢獨自全吾貞南  
坡有新竹其葉何青青居狀得所托樂爾君子名

瓊林臺

上清瓊林臺似有千仞崇琪樹交柯生瑤草亦成叢幻  
境類玄圃凝輝接琳宮天花或時墮縈紆颺迴風仙人



薛玄卿手持玉芙蓉傲睨八極表洞見萬象空飛書約  
王子弭節延赤松步虛朗歌詠流響入雲中

樵隱圖 二首

清晨執柯出負薪薄暮歸豈無登頓勞獨與憂患違山  
深雲冉冉樹密芳菲菲猿鳥久相狎世事俱忘機  
買臣昔採薪頗似遠名利何事五十年却復懷富貴古  
來樵牧間多非隱淪地寄言謝君子無使心迹異

送兄遊姑蘇 二首

浮雲渺天末隨風恣悠揚游子四方志去去道路長手  
中三尺琴朱絲汎宮商但恐和者寡使我心增傷  
寒風變衰草原野正蕭條馬嘶人影亂落月在樹梢姑  
蘇四百里未憚跋涉勞遙知黃鵠舉六翮凌雲霄

送蘇吉甫館于穆千戶家歸

先生來東陽已是一載餘深居謝賓客閉戶只讀書青  
燈夜檠短黃卷秋堂虛咿哦不知倦經傳為菑畬玉階  
未投足侯門姑曳裾枚乘終顯達馬周豈迂踈願言崇令

德努力無躊躇他年二三策待詔當公車

胡伯玉隱趣圖四詠

蜀錦屏

朝看花中仙顏色媚且鮮暮看花中仙顏色忽已薦紅  
芳不足恃青春政堪憐人生宇宙中壽無金石堅百歲  
等瞬息業火徒熬煎何如鍊金液返本得長年

晚香逕

秋菊有佳色幽香知為誰尉為霜中傑肯向露下衰獨

賞心悠然酒至觴淋漓永懷陶靖節高風邈難追

歲寒亭

夕隕悲薜華秋零悼蒲柳急景不可留高風邈難久風  
霜十二月松竹凋獨後還與嶺上梅結為歲寒友草木  
本無情猶能同歲寒奈何市井交輕薄不足觀

竹澗亭

脩竹蔭幽澗築亭留隱君隱君去已久何人躡清芬撫  
弦變新聲感慨萬古情不識翁玉潤不識翁冰清煙林

暮蕭蕭風水秋泠泠故交難再得兀然空舊亭

同陳子俊暮秋遊耆闍山時九日後

節季日月淺山川凋落繁志士惜遲暮觸事念慮端同  
遊得佳士散懷逐躋攀忽忽萬夫內迺有吾子賢英特  
奇偉姿筆精語亦溫暫遠欣已遇當憂亦為歡步履得  
古寺入室清心源草枯石色出層構陰崖綠猛虎昔夜  
吼發石存幽泉至今連筒飲頗厭井汲艱佳節去我久  
黃花有餘妍惜惜夕鍾罷草草尊酒殘客子已山際落

日猶樹巔舉世塵漠漠朗咏山中篇

七言古詩 長短句

宣和滕奉使茂實縣人

鴨綠少年驕不舞大梁花石春無主天與遼人十四州  
四海九州非漢土漢使相看墮節毛烏烏黑頭羝不乳  
舊時別贈楊柳枝挿向雲中今十圍

蘇李泣別圖

祁連山下空卷折啼鳥入夢頭如雪胡越相看十九年

今日輸心為君說窮兵未必來遠人居

闕

可馴

天驕萬里來稱臣他年陛下知臣心

送厲生之天台

劉郎洞前藥草肥年年送春春不歸劉郎採藥路不迷  
路迷却是還家時人間藥盡採者稀醫師採藥歸未遲  
終南捷徑莫西去正在劉郎路迷處

贈拆字蔡生

至順三年苦寒月梅月不拆梅樹拆今日蔡家簾肆前拆字

拆作風花裂書生貧病字撐腸識字不識煮字方字字拆  
來方可煮煮作吳中菰飯香我今林居交木石妖祥禍福  
無留迹六畫吐盡一畫無豈復有字從君拆古人作字留世  
間因君破碎斷復聯此術若在造字年未成已拆何能傳

寒江漁樂圖

菰蘆滿眼沙際天寒林古樹凝蒼煙長河不是天上來  
懸河滾滾生筆端魚龍半隨風雨去舟人漁子空茫狀  
畫師胸中吞萬有吐出雲夢常八九



和楊廉夫買妾歌

劉郎持玉笛再入天台山天台女兒不相見採藥直入  
桃花源劉郎吹笛花能言雲離雨別三千年青驢橫波  
髮鮮碧藍紅染作天桃色劉郎今姓楊相逢便相識金  
條脫龍縞衣飈車木鳳凰飛下隄山西萋桃拂面丹如  
雨紅蝶黃鶯解歌舞桃源無路入人間一身金翠來何  
許玉山子莫將迎方平會麻姑參語無蔡經飛仙不入風  
沙地無端夜過昆山市三滌腸三洗髓絳雪玄霜玉池水

代嘲舊人

吳王臺前天地老羊家吹笛烟花繞羊郎到老不識顰  
昨日西施顰更好妾行自縮春風髻姊送出門車在道  
塗金兩袖石麒麟姊唾乾時碧如草唾花一夜滿妾身  
云是背後悼夫人

代答新人

妾來詠柳三月初美人未字楊柳枯美人脉脉金芙蓉  
不泣前魚傷後魚阿嬌黃金不復餘白頭曲成銀筆書

曲成未用銀筆書相如明日刺相如

代玉山子答

建昌老父吹羌管背花吹盡風花片雪中花老花未知  
我起開簾納紅燕夏姬出境春爭妍房老不出金谷園  
花奴鼓急人人顧研光帽滑花難住

題竹隱軒

已下四題為胡伯玉賦

遶軒修竹幾百竿瀟洒迴若仙石壇黃金瑣碎夜月冷  
碧玉蕭瑟秋風寒道人幽居坐其間漠然塵紛不可干

勁節攜為手中杖散籜裁作頭上冠市朝富貴多憂患  
山林曠蕩聊盤桓七賢清修誠足慕六逸可學夫何難  
有時夢見瀛洲仙鞭笞鸞鳳遊無端叩頭再拜乞靈藥  
使我容貌無凋殘仙翁贈以九轉丹服之兩腋生羽翰  
逍遙物外有餘樂何因報我青琅玕

待月壇

憶昔待月錢唐秋眼寒桂樹枝相樛桂枝半蠹花不實  
折之不得令人愁帝鄉幽燕邈吳越還向山中弄明月

聞道君家待月壇壇空風露何漫漫便欲因之遡寥廓  
倒騎玉蟾飛廣寒廣寒宮殿殊清絕素娥嬋娟皎如雪  
笑指桂樹對我言留取高枝待君折待君折須幾時明  
年八月會相見付與天香第一枝

天香臺

牡丹百本新栽培累日為築天香臺春風三月花信足深  
紅艷紫參差開五色卿雲色紛郁九苞舞鳳毛毳毳也知  
東皇愛嫵媚何須羯鼓聲相催蔗漿初凍瑪瑙碗酒痕微

金  
卷二  
污玻瓈杯雙成未逐阿母去弄玉却伴簫仙回還憶開元  
天寶時沉香亭北君王來霓旌翠節導雕輦繡帷綺幄圍  
香埃倚欄只許妃子並徵歌或詔詞臣陪陳迹如今安在  
哉風雨滿地唯蒼苔相傳尚有清平樂翰林供奉真仙才

蜀錦屏

先生新辭白玉堂晴晝衣錦還故鄉鄉山草木被光耀  
化作錦綉成文章花神驚視不敢當此花非我山中芳  
初疑寵渥出秘閣復道榮恩來奉常雲蒸雨濕春風重

至今猶自餘天香願將歸院金蓮炬移近圍屏照艷粧

題海棠

東風吹墮緗雲影別院春遲宮漏永繡幃寶帶綰流蘇  
夢入瑤臺呼不醒熒熒銀燭花蕊多城頭烏啼奈曉何

石溪歌

為石漢和尚作

石溪一滴水本自明河來明河倒瀉箕尾濕千里萬里喧  
風雷小龍挾向雲間過水滑瓢欵誤傾墮蒼崖一息裂清  
泉似是巨靈新擘破南州衲子天下奇夜撐缺船欲渡之

金上... 卷二  
珠船照耀明月冷赤手拾得珊瑚枝又復揚舲向東去  
直到衆流歸一處東方火發海影紅金烏飛上扶桑曙

香雪壁

我欲借君香雪之素壁障予山中玉雪之空亭亭空壁  
素了無物惟見虛白一色洞杳冥宴坐契元始忘世兼  
忘形嗤彼塵俗人兩眼那能清蓬萊之山仙子窟玉作  
樓臺銀作闕豈無瑤草弄朝烟亦有瓊花迷夜月羽衣  
道士乘素鸞引手招我青雲端翩然高舉遊八極下視



五嶽烟霧何漫漫

題騎牛讀書圖

朝看書騎牛出去日上初暮看書騎牛歸來日欲晡朝  
朝暮暮看書卷還慮牛饑無牧芻家貧本分辛勤過平  
時敢望閒工夫人生衣食皆有餘棄之不學將何如

胡伯玉隱趣園君子池

五月菡萏發紅粧明綠波君看池上水何似若耶多若  
耶女兒歌艷歌輕舟短棹相經過傾城顏色有人妬日

暮涼風知奈何

五言絕句

勸兄弟十首

田氏好兄弟初焉念少差一朝仍會合荆樹再開花  
鄴下然其句淮南布粟歌相煎容不得奈爾二人何  
何苦毫釐較當思手足親丁鴻與劉愷讓國是何人  
鴻雁天邊過脊令原上飛尋聲還顧影次序不相違  
父慈子必孝兄友弟須恭倘使誠心在如何不感通

連牀聽夜雨長枕共姜衾棣萼相輝映何憂外侮侵  
金昆與玉季和樂奏墳麓氣象自然別淳風復古時  
生來同一氣兄弟是天倫祇要長和睦休論富與貧  
友愛言無間從教耳屬垣怡愉崇遜讓寬厚福之源  
古有難兄弟今無好弟兄何由風俗厚凡百近人情

新涼 二首

夜來窓戶涼一枕聽秋雨曉起絕飛埃門前有流水  
雨將殘暑去風送新涼至安得歸夢成長夜愁不寐

蘆雁四詠飛鳴宿食

肅羽遵寒渚渡江蘆葉黃誰云南去遠不敢過衡陽  
萬里西風急送書時一聲從教驚客夢可待主人烹  
沙汀棲處穩夜漏有奴看月暗蘆花白一身秋夢寒  
飲啄殊自得水田稻粱秋寧因謀一飽失却網羅憂

越上寶林寺八詠

飛來山

寶林從何來飛空錫同住天風吹海濤常恐復飛去

應天塔

浮圖成再世業岌高人雲妙應人天果鈴音上界聞

靈鰻井

巖穴如深井滋潤通海脈靈鰻久蜿蜒歲事時有獲

羅漢泉

應真曾卓錫百尺井泉深汲取天人供泓澄印佛心

大布衣

河涼大布衲七帝師道德流傳五百年未滅針線跡

古鐵鉢

鐵鉢生古色曾經飯胡麻黃龍此降伏更長碧蓮花

深竹堂

禪宮庭宇靜深翠萬竿竹忽悟瓦礫聲香嚴道機熟

盤翠軒

軒楹越中秀軒窓四面山紅塵飛不到長共白雲閒

除夕

今年盡今日明日是明年客况蕭條處春寒雪後天

題畫叢竹幽禽

露節老愈蒼烟叢寒更碧野鳥何處來點破九秋色

送李仲積北上

北上京華去名成幾日歸春風折楊柳離思兩依依

雪景

小舟乘興來興盡便回棹夜深雪更深何須見安道

七言絕句

雙峴

兩峯削玉倚青天，一水分流碧漢邊。  
好境直須真見得，莫將圖畫看山川。

送孫仲明尉再到東陽省墓歸太原二首

游子思親日九回首，丘無計轉堪哀。  
故人相見休相問，不為東陽酒好來。

西風老淚斷人腸，滴死墳前草樹荒。  
明日還家重回首，白雲何處是東陽。

桂



黃金蕊密露華重碧玉枝交烟影涼今日蟾宮親折取  
人間無物比天香

贈馮東丘

一曲鳴琴一局碁一瓢新酒一編詩幽齋風月清無限  
莫問流年有盛衰

送人之樂平

鄱湖千里趣行裝野水閒雲路渺茫解旆旗亭春水薄  
不堪回首憶東陽

含暉亭

山色空濛翠不如平湖長遶野人居湖堤好種垂楊柳  
取次持竿索貫魚

石

拳石當軒玉色寒雨苔蝕盡鷓鴣斑也知好事無真見  
不看真山看假山

山水

青山如髻樹如麻茅屋青帘認酒家侵曉一番飛雨過

滿川流出碧桃花

江山萬里圖

生憎李郭畫山川鑿破鴻濛混沌圓  
尺地寸天都剪碎  
女媧鍊石是何年

策蹇衝寒圖

水際行人絕往來石泉幽樹太清奇  
揮毫對客無情意  
不似黔驢背上詩

五言近體

投外憲列職

浙右饒名官天潢異衆流星華婺女界印薜越城秋長  
吏多佳政流人反故丘諸郎復為郡外憲此優游

為政歌謠起論文鬼魅愁風霜臨外憲星宿繞東州身  
健都忘老詩清不為秋邦人好吟咏異代見風流

山縣繡衣新前騶此望塵霜威重風憲秋夜候星辰帷  
幄多賢士觚籌托下陳空懷望外寵惆悵曲江春

投憲幕上下

六首

星驛東州盡霜威憲府新古今從上下經傳獨紛紜子  
弟諸王選丹青寶晉親已知收俊彥也復惜餘人

廣平新職業荆楚舊文章盛府芙蓉幕諸曹鴈鶩行賓  
僚嚴分限官事舉維綱千里無青草饑民正可傷

顏蒼端居日膺門屬望初芙蓉池不遠桃李地無餘霜  
雪歸行幙星辰近輔車不才污盛府吾子意何如

法曹新政績憲府舊才賢下客初傾蓋東州共拂冠無  
才供几案有術事虛玄柱下非明習吾知濟世難

聲名沈書記廉白杜參軍千里風期合三才月旦尊辭  
章須爾雅幃幄厭深文秋興知多少黃花酒滿樽

求學鄉人久為農歲序更三秋收橡栗千里足尊羹作  
吏真癡絕吟詩得瘦生諸公能指畫經訓尚縱橫

投李息齋父子 三首

盛府聲名獨龍門地望雄懷文思憑几漫刺適為容翰  
墨千年事風流一世宗只今天下士猶幸識元公

膺門桃李陰蘭砌近清芬不惜階前地祇慙俗下文筆

懷蕭協律才慕沈參軍鴻鴈東南急饑鳴屬府君

籍甚佳公子風流絕代無山中書扇帖江左折枝圖名  
世元暉畫傳家大令書登壇如肯授端欲曳長裾

送里人都下省覲

郎君向行在海岱暮雲深王謝金貂系班揚翰墨林應  
為洛下詠莫作越人吟父子知名後眉山直至今

送蒙古教授郭受益歸洛陽

足馬金華道西風過雁初尊羹千里地菰米九秋餘齊

語傳聲澀巴童問字疎湯湯清洛水舊學復何如

徐文蔚

梅華橋上別見說尚臨池筆法承中絕名家比盛時猶  
傳徐浩體自寫鄭虔詩已並漁陽帖休看陌上碑

劉山南挽歌 二首

時儕通貴後六館竟如何不有東南事終期甲乙科泮  
芹吳子邑露薤漢人歌白社雙林裏西流淚作河

漢閣文章舊天台草木深笑談無復日比興有餘音歷



歷傳新作時時見古人有懷祇短氣何處識長身

白鸚鵡

開元白鸚鵡

一作雪衣女

長在玉墀邊宮樹棲應熟心經讀

未全音餘西域語夢入廣南天莫把宮中事偷歸外國傳

銀谷澗山房

樓臺依水石石樹帶疎篁洞口有靈藥水西無夕陽天  
花空處沒春草定中長芳桂已飛盡有時聞妙香

送沈教諭 二首

師友淵源正公卿譽望揚鄉閭仍未達世事故堪傷汗  
竹秋繁短美芹午飯香祇愁雙鬢髮容易染清霜

學舍山雲暗城樓海氣深文章初近古風俗遂如今冷  
署三年客亨衢萬里心須君明教法那得刺青衿

題鄭氏義門

二老連枝樹諸郎百子蓮同心無爾汝合族到曾玄化  
洽文明日淳還太古年名門人共羨家範世應傳

次周剛善僧房牡丹韻 二首

不擬維摩室春風步障開  
欲分清露浥故近白雲栽  
色奪人間艷香從天上來  
韶華正繁富啼鴉莫相催

憶昔仙春館春時每獨開  
公家今賸有僧舍亦分栽  
暖吹扶霞上卿雲夾日來  
可人看國艷卯酒不須催

春日 二首

處處春風滿東皇信不偏  
靡蕪窮遠目梅柳共新年  
白水暖浮日碧山晴吐烟  
清時多樂事敢擬卜居篇

細雨花陰重輕烟草色勻驚禽長避客嬌燕却依人弦  
管紅樓酒跼蹄紫陌塵東風競遊賞因想杏園春

雨  
四首

山雨紛如織齋居晝掩門陸行憂馬滑船濟怯濤奔汀  
草今猶病園桃故不言游鱗忘浦溆直到槿籬根

雲氣朝彌積濤聲晚更雄鼉生沉竈下人入漏天中稍  
覺傷生意深愁誤化工羲和司叱馭為擁日車紅

風雨今猶惡誰憐行路難繁華三月景牢落一分殘稚

麥應傷澇嬌花不耐寒江流方浩浩雲氣轉漫漫  
楚澤連空濶吳天極杳冥水添今日白山沒向來青鷗  
鷺乘原隰藜蒿翳戶庭出門如未可試學衛生經

送朱明德休寧典史

二首

今日休寧縣猶馭吏鞅塵直存吾道在清任此生貧燈  
火千家夜桑麻百里春因君重叅贊民俗竟還淳

吾子仍掩驥諸公漫薦賢長才操吏牘清興寄詩篇慷  
慨悲前事蹉跎惜暮年于公陰德在千載尚能傳

送張仲舉歸晉陽舉進士 六首

籍甚張公子詞華衆所推  
門閭千里望天地一編詩  
花落山公宅雲寒杵臼祠  
看君歸晉日翻作別家時

世業今誰繼瑤編自討論  
長材歸下吏吾子好斯文  
千里風期合三才月旦尊  
眼中今落落俗下正紛紛

牽牛在南紀遊子上河梁  
殿閣終前席江湖且下方  
州閭無別業文字有他腸  
萬里關西路秋槐日夜黃

長歌望吳越不道出無車  
明節固所尚清門難可居  
春

帆移暮雨晚飯半江疏何地非鄉社終期返故廬  
掛帆謝公浦把酒闔閭城江柳不忍折春風當別行關  
雲連楚暗隴月向吳生葉落長安道思君北問程  
矯矯凌雲賦纍纍白雪歌世人祇漫與吾子視如何誰  
預文章觀君宜甲乙科秋闈今獨立春興未須多

黃晉卿見過却歸烏傷

六首

日下新傳詔江南共濯纓歲中升進士海內右諸生經  
術謀王體詞章作世程不才岩石下迴首望光榮

古訓疇咨日文明闡化時君為萬家縣誰定一王儀名  
下看佳士人間見舊詩豈無清切地州縣有程期

月裏丹葩遠人間杏艷張天官行故事風雅藹餘芳左  
掖親承詔端門出綴行眼明茅屋下猶見賜衣黃

江雨間行人江干雨又新今朝下垂榻幾日望行塵冰  
雪鶯遷樹江湖鴈得春非君被軒鑿

鑿一作寬

懷抱欲何伸

舊業推門地聲名出禮闈平生著風則長世有光輝官  
序須清績台衡起白衣談經無復日為別更依依



花竹窮清玩山池屬素情  
荷衣隨楚製芹子入南烹  
已作歸屠釣終期變姓名  
惟應一丘壑垂白向升平

春日題水軒

菰蒲生戶外翠羽落堦前  
日出雨無影春濃花有煙  
汗青書在簡血碧淚經年  
丘墓池東北看雲日日眠

送黃晉卿之任

隴蜀衣冠盡中都魯一儒明  
時用文事榮秩映江湖為  
治湏三尺起家祇五車  
天台山水地尚可曳長裾

五言排律

送烏經歷歸 二十韻

大府羅賓彥脩門得俊賢  
明時優外任密畫制中權  
曉日卿雲麗高秋白月縣  
千尋看壁立百鍊識金堅  
殷浩名無忝崔羣美可專  
緋袍臨僻壤華髮憶流年  
山揖金華秀城當婺女躔  
民風仍皞皞王道故平平  
玄暢塵囂外芙蓉爽氣邊  
憲臺依翠柏幙府擁紅蓮  
法謹持三尺書應受一編公  
言歸可否德意賴承宣  
歛郡推遺直河陽

贊巨川可能羞噲伍豈復愧盧前  
淵媚珠含彩林輝玉吐煙  
豫籌纔婉婉歸思忽翩翩  
趨拜麒麟殿違離玳瑁筵  
幾時嗟護屈後日看鶯遷  
空遺參軍紙曾辭太守錢  
雙溪清若許明月送歸船

鹿皮子集卷二

欽定四庫全書

鹿皮子集卷三

元 陳樵 撰

七言近體

題建炎遺詔

解下塗金膝上衣

一作蛾眉  
金縷衣

忽忽命將墨淋漓圖中吳

楚無端拆月裏山河一半虧銀漢經天都是淚杜鵑入  
洛不如歸黃衣傳詔三軍泣不是班師詔岳飛

呂氏樵隱圖

金瓶梅詞話卷三  
山藹氤氳濕綠蓑無人空谷伴狂歌  
千年甲子碁邊老  
兩字功名世外多  
乳鹿穿雲覓芝草  
驚猿抱子度烟蘿  
心閒便是神仙侶  
莫對癡兒說爛柯

蛺蝶圖

禁籞名園信所之  
深紅膩紫共春暉  
人疑落葉有生色  
我道飛花上故枝  
掌上艷姬垂袖舞  
屋頭故吏竊香歸  
花中只許秦宮活  
未必莊生入夢思

北山別業三十八詠

石岩即是樓觀

太霞洞

冬春居此洞

石林深處飮胡麻幾度登臨送日車

一作山中穴處送春和洞下栽桃攬

物華雪到峯頭猶是雨雲生石上半成霞相看露下朝華

草不放春歸冷艷花

地冷花遲一作樹臨金壑元無影日傍晴崖不度花

魏紫姚

黃風捲盡人間蜂蝶到山家

一作暮夜相過玩清月山前隣笛兩三家

飛雨洞

盛夏居此流沫成雨中有小泓

蜀天萬里入東州

一作天梯石棧落東州

冷翠侵扉翠欲流朱鯉

有靈時上穴白狐生火幾經秋山中十暑寒猶在潭上

自步... 卷三  
千年雨未收昨日西林晞白髮濕雲依舊滿貂裘

碧落洞

秋初入居此洞

灑氣翻衣露滿懷人言天上我驚猜近從月裏種花去

遙見鼎湖飛葉來使我加餐有黃獨為人題榜是青苔

杖頭化作光明燭願逐東皇下九垓

又一首云聽盡東林夏雨聲自携桐

几下岩扃白雲持得人誰寄明月攀來桂未生雨後引  
苔書洞榜霞邊摘葉寫山銘如何地絕重黎後猶自挑

雲望

玉京

蘿衣洞



蘿衣草帶護烟蓑

一作手携綠  
玉下山阿

楚國狂夫尚楚歌石影

到溪千丈勁藤痕入木八分多泉分少白山中雨衣取

雲門寺頂荷

一作卷中真跡臨紅葉身上生衣捲碧蘿  
又作僧披柵葉收芝菌客厭蘿衣種芰荷

洞口樵人誰語汝碁邊相遇懶相過

### 五雲洞

飛梁

一作  
漁磯

壓水石苔蒼洞口飛泉瀉

一作  
下

石梁屋上春

霞常易散雪中樹影不曾長陰雲滿地晴飛白雨蝶依

林暗貼黃

一作松花入酒傳香碧貝葉分題寫硬黃  
又作飯收菰蔣叢邊米藥聚梧桐葉上霜

手

裏夫容渾忘却蓑衣日日釣滄浪

巴雨洞

濕雲侵袂

一作  
依洞

細滅滅自曬蓑衣石上楓海月長來飛

雨下仙家半入漏天中石稜近水依崖長山梯著霜連  
葉紅却笑當年補天手煉成五色竟無功

梅暎石

篁竹瀟瀟暗水鳴

一作  
隔水

朝暎奕奕耿殘星繁花無處分

南北明月何時厭死生石樹裏雲長自溼日華映雨半

邊晴霜晨露夕長來往幾度攜琴鼓再行

越觀

在岩頂

吳根越角兩茫茫石傘峰頭俯大荒  
鳥道北來通禹會雁程南不盡衡陽  
雲移暫覺天河沒月暗不知松影長  
天姥若耶他日事明朝采叢下山梁

陳氏山林春日雜興

賸水殘山瘴海濱一丘一壑可全真  
月華

一作夜光

雖死猶

隨我春色為塵亦汚人石護生香成石乳  
花連別樹作

花身他年終擬忘名氏碣石桐江理釣綸

新接桃梅  
一作人間傾

奪非我願忠恕

吾知可感神

### 溪亭

百尺層崖接翠微潭空石影曉離離雲隨白鶴翔千仞

月與青猿共一枝不信水深騎赤鯉曾因夢裏殺黃鸝

一作牀下苔花大如  
席亭前巴字細成溪

芳洲翠羽無人拾自補山中白接離

### 醒酒石

在少微岩下有窪樽

夢渴醒來賦楚騷

一作首  
屢搔

紛紅駭綠未全銷樽空鸚鵡

杯猶在歌罷玕琪樹尚搖夜久月方臨石上雲低雨不  
到山椒平泉池館吾無分粟里徵君或可招

翻經臺

石函朱机曙雲中雲散臺高萬象空枝重有時來白鳥  
雨殘無處著晴虹血書貝葉三年碧秋入蘿衣半袂紅  
幾度山人同聽法翠微深處石池龍

東白草堂

屋後蒞離與水平屋頭很石列為屏捲簾帳下雲先去

步月庭前樹欲行

一作齋餘瓢裏水猶活晦近花前月尚生

白雨侵階渾是

綠

一作桃洞落英晴更碧

黃

一作山

童食柏久成青如何庭下朝陽

影盡在少微巖上明

望月臺

在岩下

玉簫吹斷暮雲平散髮臨風露

一作夜

氣清尾見欲當南

紀出月銷半入楚天青松高琥珀無苗茁蟾老丹書滿

腹生

一作靈星隔漢烏橋度細草成茵碧火生

桂子何年生

一作來

石上丹英

零落樹冥冥

銀谷澗空碧亭

水光山綠滿闌干，上有琉璃萬頃田。  
水鳥臨池青入羽，仙人唾地碧如天。  
雨添銀谷空中翠，雲足菑桃花工煙。  
只有

垂猿

一作綠衣

無倒景，有時弄月到亭前。

地多海棠，一作有時却掛綠窻前。

少霞洞山居

太霞洞口

一作裏

採金芝，千歲山南

一作前

聽碧雞，煮石鼎

中饒

一作燒

綠薤封書函，外有丹泥度關僧。  
寄娑羅樹入

市人傳木客詩，又

一作却

抱瑤琴，向陰洞青禽啄碎碧梧

枝

園谷澗

一作臺

雲在闌干葉在庭

一作囊

中無藥事

一作自

飛騰丹霄有

路星辰近

一作長河如帶東南折  
又作銀河屬地西南溼

明月無根日夜生滿

袖天香和夢冷半村雨色傍林青仙人約我瓊樓上

一作

瓊樓玉宇  
丹霄裏

只恐月中秋更清

少霞洞

作室

煙霧霏霏溼麝煤

一作長  
綠臺

文生綠硯硯生苔

一作海棠  
滿徑不須



載天風拂地鳳笙下楚雨入吳龍女回石壁水花

一作壁上

水紋泉湧出海棠

一作花前

春色烏銜來洞天只在風塵外門

外遊塵拂不開

### 圓谷澗

水樂聲中共夕涼雪花片片灑衣裳山中古樹如魚大

一作碩果如瓜大水上遊絲似線

一作雨

長柳絮散為萍梗紫花

根染作牡丹黃

一作采藥奴菴菰作米談經人指樹生薑

自從西域神僧死

一作僧祇去澗上

一作南地

無人識水香

少霞洞

柏葉山前綠石扉，溼雲墮地不能飛。  
青童卧護千年鹿，木客相傳一派詩。  
龍帶雨花臨硯滴，一作海僧添榭葉上。

秋衣山人晏坐青霞外，飲露餐霞度歲時。

秦素壇

竹死煙寒樹不榮，石壇千仞與雲平。  
春來天上元無色，雨到人間方有聲。  
夢入松風吹不斷，詩如芳草剪還生。  
陶山北望飛霞散，夜半有時孤鶴鳴。  
一作他年學製鄒生律，盡種山拱與。

杜衡

招隱巖

一作山

何年積蓋與山齊  
樹轉峰回草徑微  
野火裂為方解石  
秋風不到寄生枝  
誰來樹下看雲坐  
半入人間作燕飛

箬笠岩

一作柏  
葉山

前今淨社不須更  
草北山移

紫薇岩

在蘭池上

手種岩花對北峰  
花間無葉紫茸茸  
人行鳧雁不到處  
家在鶯花第幾重  
綠水值陰還又碧  
青春著樹却成紅

紫薇莫入絲綸閣且伴山中白髮翁

北峰

皂閣山前小水明  
甌峰無影樹亭亭  
人從煙雨上頭立  
詩到鶯花過後清  
雲傍樓臺低地碧  
天將草樹染春青  
名山何事窮幽僻  
臨水登山已稱情

石甌峰

柏葉山前鶯亂啼  
小樓西望石離離  
北峰雲出何曾斷  
一作甌中雲  
東郡一作門外  
山凡不解飛蘿  
鳶相扶枝着樹  
起長如溼

蟾蜍不死肉成芝  
黃梁夢短風塵暗  
不是山人好食薇  
飛花亭

昨日朝華照夕曛  
又看夕秀比朝菌  
松高猿見古時月  
花晚鶯添幾日春  
盛露囊中封臈藥  
無塵袖裏裹吳雲  
人間何用春長在  
只愛飛紅日日新

水亭

少鳳穿花照水盟

一作門外飛流拂石稜

水禽衝浪動軒楹

一作溼簾

旌雲從薜荔衣中起  
雨向玕琪樹上生  
曲水傍人

一作陰澗

有泉流白羽嬌花無語蒼黃鴛澗中日與山中日

一作地中日與

天邊同上晴窓各自行

有流羽泉

### 清涼臺

水邊石影覆松亭  
洞口飛雲細細輕  
花重只因雲下溼  
草寒誤向影中生  
好風入夏傳芳信  
片雨隨雲度月明  
不用破瓜沉綠李  
自從雲後有餘清

### 忘憂閣

宜男葉上幾飛螢

一作冷雲生

夢畢醒來笑倚楹

一作聽盡風聲聽水

聲

天外唾如雲樣碧

一作杯裏酒  
連天共碧

江南春與草俱青

鏗一作

寒已喜松丹熟燭盡只消華艷明無喜亦無愁可

解山人投老竟忘形

一作見說世間愁滿  
地誰知樂事在林垞

### 南軒

石上菖蒲綠滿叢石根水竹傍梧桐人來此地見山碧  
月未冷時如日紅春水有聲通北澗晚花無信誤東風  
人間不是高寒地那得春紅入夏中

### 雲山不礙樓

飛花墮地柳依牆  
狼石侵檐逕草香  
人道峽中無落月  
我疑肘後有垂楊  
庭虛只放溪雲度  
水淺不妨松影長  
却憶壺中天地濶  
十洲煙雨正茫茫

野芳園

桂子紛紛入我懷  
海棠芳桂雪生葩  
日移深澗松陰上  
風引前朝樹勢斜  
芳草無名多是藥  
雲藤着紫不須花  
牡丹未入曹劉室  
元白歐蘇不用誇

蘭池



空翠亭前露草繁  
自栽蘭芷雜芳蓀  
猿窺澗底風枝動  
鶯踏花間水影翻  
早就山林成獨往  
晚從桃李學無言  
國香只合依泉石  
種向人間恐礙門

空翠堂

蕉葉茱萸照檻明  
山光入室雨初晴  
平分天上無邊色  
送盡江南未了青  
息石長年依砌活  
茯苓無種入庭生  
亭西昨日林霏重  
採藥歸來露滿庭

山齋

一名草易臺

幾

一作秋

夜山中作月荒晨朝挾冊傍初

山一作

陽懸崖種

菊紅千葉開戶見山青一方

一作登臺望月丘陵  
遠開戶草玄枝蔓長

石上

韋編原是竹林中白露半成霜春皇未畫非無易石室

遺

一作成

書不用藏

### 山園

洛陽池館半桑田斷竹操觚日灌園春日花連小東白  
暮年草創大還丹蕨薇自古猶長採桃李于今竟不言

一徑桑榆隨地暖雨餘首宿又闌干

一本作斷竹操觚  
日灌園洛陽池館

半桑田蔽薇自古猶長採桃李于今竟不言隔水三竿  
花上日去人尺五澗中天山居亦欲知春事刻畫隨宜  
不用妍

壺天

在澗上一作壺天閣

宮殿隨身信所如寓形一室似樓居神遊八極皆吾土

天入三山

三神山

不滿壺雨夜無人共清月水扉幾度種

丹魚山童長怕漁舟至不放桃花下五湖

一作利海中  
間別一區普

香香積是通衢花連藥蔓疑無路天入靈山不滿壺芥  
裏須弥空處有階前花影月中無自從漁父穿花去不  
放桃花  
下石渠

鹿皮子墓

土蝕苔

一作石上藤

侵古瓦棺

一作斑

化臺深鎖萬松關坐看天

上樓成日吟到人間詩盡年句漏無靈丹竈冷孟郊未死白雲閒江南春草年年綠又向他生說鄭玄

遊絲

兜率宮中拂不開支機石上亂成堆超凌塵埃高千仞東縛虛空斷幾回又逐飛雲縈草樹暫隨片雨掛樓臺詩成猶憶宣和腳透過澄心紙背來

臨花亭

主人病癖愛年芳春日花荒夜月荒調水分符到西澗  
惜花封淚寄東皇天生國艷春無價日繞遊絲風有光  
物色是空非是色枉教蜂蝶一生忙

惡雨愁風易結陰夜遊秉燭晝傳殮香添荔子能消日  
粥費桃花怕減春綠暗有人來折柳紅飛剪紙為招魂  
竹間午夢時驚覺滿眼卿雲覆錦茵

芳艸生煙藹在房韉紅衣紫共芬芳丘園風雨三家市

草木文章萬丈光  
花正欲言還寂嘿  
春無自性不堅良  
晚來只有鵝紅在  
莫放香絲取次黃

滿樹琉璃問碧瑤  
當歸葉長暎芭蕉  
樹頭生雨時時溼  
春色如花日日銷  
杜宇有言終不踐  
綠魚新種已生苗  
今朝百舌聞鶯語  
飛上梧桐特地嬌

右挾長鏡左帶經  
蔬畦藥圃照衣明  
客來青鳳穿花去  
草盡蒼苔上樹生  
靈藥日荒常檢校  
繁花無賴枉丁寧  
來禽青李成陰後  
更覓楞梨日給勝

花在人間春自歸去來何用杜鵑知鶴銜瓊蕊來仙苑  
雨引山薑過別枝天出異香薰寶樹日將五色染遊絲  
主人莫賦傷春句但使百花無盡時

雨後金沙入柳陰紫薇紅藥正紛紛客來只道天開畫  
春去盡將花屬人越鳥啄殘松下子吳僧寄到水中雲  
蓮紅直到梅花發何處人間不是春

松邊柳下日徘徊鳥散花紅墮酒杯芍藥成叢當戶出  
茯苓分種傍松栽雲高卷雨從風去花晚將春入夏來

亭下肉紅如斗大耐看不似玉玫瑰

遠山過雨綠崔嵬竹外青松竹下梅滿樹丹青隨物換  
平生富貴逐春來歌珠一串鶯流出花影數重風揭開  
關右牛酥賤如土莫教紅紫落成堆

遠目樓

天垂平野樹團團雨過平蕪綠更鮮何事高梧遽如薺  
只消寸草已凌煙山遮春欲歸時路雁入鳧飛不盡天  
廬舍似蝸人似豆天開粉本夕陽邊



蠟屐亭

晉阮孚避亂婺州

七賢老死獨南奔，袖有江亭墮淚痕。  
函夏盡為新土宇，醉鄉不失舊乾坤。  
金貂曾入丹陽市，蠟屐應歸白下門。  
惆悵黃門墓前柏，不禁三度見風塵。

西峴峰

寺傍皆官山

聽盡熙寧水樂聲，斷碑無字倚荒庭。  
雲歸僧舍樹皆溼，犬吠獵圍山誤謦。  
覆屋松陰遮日黑，隔林春色為官青。  
故侯轍迹無尋處，丞相題詩擬峴亭。

雨後看山對酒歌飛紅駭綠滿岩阿

一作紅銷綠漲草成窩

萬重

山外碧方寸五色雨中青最多亭下日生霞暎草松根

苓長葉成窩

一作峯漸欲危通月過路遮不斷奈春何

江源分付西流去莫

作門前東逝波

涵碧亭

劉禹錫題涵碧亭猶能三伏凜生秋

涵碧池頭夏氣清我從三昧起經行移樽近樹傳盃綠  
向日看山入戶青人似亭前花不語詩如江上草無名  
山中水調知何限不入熙寧水樂聲

入谷沿流曳杖行亭亾白谷半為陵蟬驚兩腋風初定  
樹少多年秋不生水急溜穿南澗石雲深黍沒夕陽僧  
龜茲板上元和腳猶有劉郎舊姓名

丙戌

池曲奔流下石渠池頭空翠溼烟蕪

一作池曲新泉不滿壺池頭縣溜溼

烟蕪夏禽反舌餘聲盡薜荔連牆寸影無

一作莓苔石上千挂落桃李花

間一字無僧爨屋頭猿挂樹鳥銜牕外雨生魚長安才子看

圖畫疑是仇池隱士居

丁亥

### 上虞魏氏湖上精舍圖

湖上蘭舟水上亭有時水漲與階平亭前古柳經春弱

門外孤洲昨夜生海氣遙連一作侵育王塔蜃樓半入會

稽城山陰道士攜琴至寫盡風聲到水聲春

停舟日日望東溟蓼岸蘆洲露未凝沙戶得花聯作絮

吳姬雪藕織為繒馮夷送月臨軒落海若令一作分潮入

岸生朝暮屯蒙丹自熟披沙莫學趙臺卿秋

霜巖石室

懸流脈脈又涓涓浣水為花到席前我為天穿來煉石

僧從雨下度流年中溜灑黃金淚壁上雲生火玉烟  
山下四隣皆雨外天瓢枯槁蟄龍眠

洞天無暑亦無寒淑氣芳風不出山掃葉僧歸雲未溼  
賣花人去蝶先還滿庭脩竹下黃葉千歲古松生綠烟  
盡道雪中依裸壤我疑夏室是水天

樓閣天然石削成山為棟宇石為楹丹砂伏火有光景  
石斛依空無死生葉落世間多月色瓢亡林下欠秋聲  
山中水石皆吾黨竹兔松雞不用驚

滿林翠霧溼麻衣山影遙侵白板扉竹石無心吾所畏  
煙霞有疾不須醫夢騎鶴處天逾濶歌過雲時花不飛  
燕子飛來背人去吾廬無地可棲遲

巖穴冬溫夏氣清有時采蕞度峻嶒聞雲起作飛雲去  
今雨還隨舊雨生樹上菟絲低窳地階前息壤暗通靈  
人間甲子何須問只憶山花幾度榮

丹萸滿地藥生茸著屐登山春正濃委羽山人來相鶴  
天台道士去投龍風傳花信歸何處日卷松陰展向東

不見霜岩松下竹空王未作已心空

石樓草廬

一室寬於一畝宮隔林竹樹影重重青春著地十分綠  
白日經天兩度紅小草自憐無遠志茯苓終不近孤松  
未須西憶金華洞只在週回百里中

楚氛千里海連淮思子臺前望母臺春在地中長不死  
月行天盡又飛來林亭清論松為塵荷屋寄生花作胎  
七十九年殘喘息欲從李白上天台

哀江南效李義山

幾年王謝望升平戎馬臨淮日繞營  
萬里邊塵暗京洛五朝王氣在金陵  
臨春閣上華林近玉樹歌中璧月生  
獨有紹興經亂後聖賢相遇頌中興

慧力寺斷崖

僧緣鳥道上穹蒼下視斷崖千丈強  
百里週回玄鶴洞羣仙出沒白雲鄉  
山藏宿雨禾生稼日轉垂楊影過墻  
未若鼎湖天地絕無人折得碧蓮房





鹿皮子集卷三

欽定四庫全書

鹿皮子集卷四

元 陳樵 撰

落花圖

紅如肌血薄如鱗  
李下桃根五色痕  
拂地暫隨風絮轉  
繞亭不似雪花深  
人占碧玉名猶在  
煙盡黃金鑛尚存  
滿地丹鉛污草棘  
何時凝綠遍丘林

空碧亭 五首

晴光潭影共澄鮮  
雨外林陰色更妍  
碧海如杯誰縮地

金... 卷四  
青冥著水誤憂天河垂澗底遙相屬斗入人間却右旋  
病叟年來倦登陟朝朝翫水夜聽泉

長林衣被蔚藍光水樹重重護曲防碧落不隨河顯晦  
白榆却種澗中央石泉飛落萬漚發松影淡時千丈強  
我向北峰高處下如何倒卓柳陰傍

河漢縱橫北斗翻縣泉激石起層瀾水流石上舒還卷  
月繞樓頭碎又圓龍火溼光生澗底仙人倒影落人間  
無邊空處無邊地盡入鷗邊一尺天

星河水鏡自徘徊白石清泉是鏡臺人道月從亭下出  
我疑空入土中來崖陰水色濃如染風裏波紋熨不開  
一碧是天還是水池頭涼夜碧如苔

樓臺倒影照虛明細浪鱗鱗去不停風舞翠綃浮畧約  
月移黃素上軒楹蔚藍天近池深碧烏柏葉銷泥轉青  
林下一波添一月青銅鏡裏一時生

空碧亭

老梅

雲蒸雨蝕半枯槎空碧亭前雪一車曲誤掀翻簾外朶

卷四  
月移不動水中花十年春信隨風度半畝崖陰逼樹斜  
暮景無何水仙至萬花頭上欲饒他

石磴

磴平如席草茸香盛夏宜人石氣涼杜宇血銷添碧燐  
山雞食罷化餘糧赤松有約吾將老白髮無愁不解長  
醉則枕流眠枕石看雲不復據胡牀

菊菴

秋深紅紫滿秋籬蕙帶蘭英綠照扉  
猿飲澗中甘鞠水

雲粘石上舊蓑衣  
月知人境來相覓  
花有心情死不飛  
桃李自開還自落  
却疑蘭菊未忘機

山房

冷雲堆裏散人家  
鹿幘羊裘不衣麻  
門外樹身無歲月  
山中人語帶烟霞  
雲侵壞衲長生菌  
風斷遊絲半度花  
采叢林深人不見  
連筒引水自煎茶

秋色觀

庭前丹葉映榆黃  
水傍芙蓉晚桂芳  
樹入畫來新著色

金  
卷四  
山無錦裏只憑霜水中煙帶秋雲冷花上月如春日長  
不是風河千萬里不知何處覓秋光

飛觀

日高空翠拂簾旌茅閣飛飛照日明銀色榜題章草字  
烏絲闌寫越花名何須舉翮乘風去曾入浮宮看月生  
却笑羣仙餘習在隨身宮殿逐人行

絕唱軒

問誰投筆早來過春日華陽春睡多懷裏錦空鯨已卷



松根苓長葉成窩詩無獺髓痕猶在夢有鸞膠斷若何  
洛下書生無苦思我今餌藥卧山阿

飛雨亭

飛泉五色映花梢秋色觀前看玉豪花落空中和月冷  
樹當溼處見雲消依依雨氣侵螢火一一水紋生鶴毛  
幾度下簾山影動卧看紅日到芭蕉

散菴

漱流枕石傍寒林散髮酣歌稱散人胡蝶枝頭無昨夢

金匱山房詩集 卷四  
初蟬葉下見前身衣沾寶掌泉中雨內有盤陀石上紋  
不見屋頭樗櫟樹無材入用老猶存

麋谷

幾回木落聽秋聲又被春風染樹青  
疎竹蔭中山影重冷雲葉上雨花生  
寒沙引水來遊鹿別樹開樁種茯苓  
石甌峰南甌峯小許渾詩裏舊知名

麋谷澗

清流拂石下岩隈澗底菖蒲曳綠苔  
野鹿避人懸樹宿

溪魚乘水上山來翠連春草誰能拾風觸石崖彊半迴  
自入夏來涼意足更移脩竹澗邊栽

伏蟾山

山上飛雲去不留山中蟾兔又經秋斗臨河曲侵鷄尾  
露上莎根到草頭綠桂花中歌白苧碧梧影裏飯青牛  
有時竹上蟾蜍下滿腹丹書濕欲流

寶掌泉

屋上無端雨亂飄雨留石罅碧寥寥浮光出穴藏丹淺

浣水為花到地消石髮年深長滿洞玉魚春冷未生苗  
泉中自是蛟龍窟頃刻陰雲滿樹腰

尋春園

覓春無路得寒林萬里清和此晏溫載酒尋芳常恨早  
無金入戶只藏春柳濃不似生時色花斂仍依摺處痕  
獨有悠然觀前月石林寒絕也隨人

月樓花落水侵岑紫石峰前綠又新承露囊中盛膈藥  
無塵袖裏有晴雲松高猿見古時月花晚鶯添幾日春

籬畔尋芳尋不見  
楞梨綠李下紛紛

雨望臺

烏傷墓道有無間  
興濟橋東衆綠繁  
林外日斜虹有影  
堦前雲去石留根  
葉隨風轉時過樹  
雨傍山來不入村  
更著蓑衣看瀑布  
天葩日暮正翻翻

山館

石甌峯前綠草肥  
菟絲挾雨上梧枝  
天台道士投龍去  
少白山人相鶴歸  
苜宿帶茸初暎日  
雕胡落釜半成糜

石楠花落無人掃誰卧水陰歌采薇

山莊

澗中薏苡綠如藍枸杞黃精滿屋山掃葉僧將後共爨  
賣花人與蝶俱還雲生石筍埋雙樹雨引銀涎過八埒  
林下四時春不去澆花采藥送飛年

琴臺

臺下湧泉如鼓鐘亭無燕語有風松石根漸見蘭成畝  
影裏不知花幾重月夜聽泉翻羽調水聲和譜寄山翁

自從獨往窮山後不見繁聲入亂中

飛花亭

又見前

緗桃穠李隋宮餘芳水麝衝雲度石梁芳樹斂花貪結子  
嬌花無骨不禁霜烏銜墮蕊春無色日轉遊絲風有光  
杜曲詩人愁欲絕山人不解惜年芳

遊子拈花怨落暉山人猶恨落花遲絮拋簾下鶯無力  
果在蕊中人不知紅日正酣那是雨青皇臨別更留衣  
年來杜宇惜人事却向陽春去後啼

梅殘直至落花飛紅映飛花綠映葵風信入林添淨食  
春光一線上游絲絮輕便欲排雲去花好多應換骨來  
二十四番却掃盡冰花剪下作寒梅

風香亭

池頭爽氣日徘徊竹院何曾有麝媒月礙桂枝飄子落  
鼎湖蓮葉轉空來風隨太乙凌波起花為胎仙傍水開  
香積界中天地濶景差何用上蘭臺

春日閨思



白玉堂前覆燕飛堂中思婦怨殘暉臂環寄遠青蕪合  
瓊字題乾白雁歸醉倚合昏驚葉暗愁尋豈寇妬花肥  
牕間昨日同心錦染罷香絲不上機

席家洞

洞在席家谷  
口前後相通

天梯石棧落霞邊月地雲階且醉眠束縕才通山北戶  
崩崖盡展洞中天雨餘秋菌化為碧石上霜楓不解丹

聞道仙人曾控鶴羽衣環珮玉珊珊

山有  
白楓

石筍

金莖半折尚亭亭  
銅柱稀微見刻銘  
花日漸移連影動  
石根不死有香生  
山前留眼通靈海  
天上無人記摘星  
何處人間覓此竹  
昔年曾出夜郎城

霹靂石

雲根斷裂翠峻增  
七竦都忘世已驚  
玉女今為擣衣石  
晉人猶覓少微星  
松高琥珀無苗出  
蟾老丹書滿腹生  
却憶天台狂道士  
石中衣袂竟通靈

跳銀溪

枕石聽泉伏草萊  
跳銀溪上日  
裴裒山間遠樹迎人出  
日轉晴虹渡水來  
雲氣長連西澗石  
春寒猶在北枝梅  
谷中幾載秋無黍  
沙上菰蒲暖更栽

書房

休名不立死如麻  
挾冊空山望碧霞  
書在終難招李杜

灰寒無處覓陰何

一作門外雨生雲沒  
鶴松根苓長葉成窩

春歸一尺人間

淚雲暖萬重烟際花

一作天雞颺下唐時  
綬越鳥銜來楚地花

風景尚堪留

研席浮生憂樂向來多

園

築園却欲留方士一室園中度歲年有客持雲坐盤石  
無人伴月出羅烟晴晞白髮三千丈寒折朱絲五十絃  
玄圃方壺君莫問人間回首即神仙

春日題水軒

黃金縷水細粼粼封合平池綠似雲鸚鵡無言初病瘴  
丁香不結又經春行稀蠟屐留前齒坐久玉琴生斷紋  
幾度凭欄愁舉袂春花半作庾公塵

樓氏雲樓

試上雲梯興不窮  
虛牕瀟洒絕塵踪  
雲含雨氣三千里  
樓挿天心第九重  
碧瓦朱甍嘗宿鳳  
白衣蒼狗不從龍  
眼前景物清如許  
詩思還開錦綉胸

分題送李齊賢

三首

綉衣亭

彩鸞銜誥傍花飛  
知有恩榮出帝闈  
八角靈文金作冊  
三天使者繡為衣  
華陽洞古亭猶在  
句曲山深鶴未歸

寄語仙人張伯羽何時邂逅說玄微

占星臺

椎碎臺前六合儀登臺猶自說璿璣靈槎有客侵河鼓  
別墅何人覓少微銀漢經天還北拱玉蟾八月却西飛  
太平共喜興文教金壁煌煌夜吐輝

半湯湖

湖上殘烟弄薄晴湖堤楊柳午風輕白波咫尺分寒熱  
赤鯉東西異死生天向月中藏日髓人疑陽裏有陰精

廣文暇日頻相過幾度沉思翫物情

分題送李仲常江陰知事 三首

暨陽湖

白浪浮天雪作堆羞將俗客洗塵埃月從水底沈釣去  
船似鷗邊泛葉來野屋有籬編白荻漁磯無席藉蒼苔  
功曹吟苦多詩渴擬借平湖作酒杯

釣臺

憶昔玄璜上釣鉤鷹揚曾起佐姬周臺虛人在空中立

雲靜天從水面浮石裂猶疑千古雪風吹不斷一絲秋  
政成蓮幙多清暇他日停驂此地遊

翠光亭

亭前練水細如縈亭上君山玉作屏林斷纔通吳月白  
雁飛不盡楚天青莓苔着雨長黏石翡翠迎風欲墮翎  
惟得步兵迷望眼詩成正值酒初醒

詩林亭

少日論文氣似霓看花覓句到花飛吟成思入月中去



語冷心從雨外歸  
林下樹寒和石瘦  
雲邊螢溼度花遲  
眼中有句無人道  
投老拋書衣鹿皮

玉雪亭

九首

蓬萊山頂玉為峰  
夜夜晴光吐白虹  
石髓多年化韶粉  
冰華無意屬東風  
一天素月連雲冷  
萬斛明璣墮地空  
只恐高寒禁不得  
乘鸞飛度碧瑤宮

梨雲柳絮共微茫  
春入園林一色芳  
枸杞通靈空吠月  
芙蓉到死不禁霜  
夢遊蓬島瑤臺曙  
歌落吳雲玉樹長

亦擬廣寒親學舞朝來新製白霓裳

冰夷遊遍列仙家片片臨風散六花陰壑有光迷白月  
亂山無處覓青霞臺高漸見石稜長枝重不禁梅影斜  
聞說銀河都剪碎津頭幾欲問星槎

六丁鑿碎玉峻增刻玉為花笑裂繒石蜜和漿調露蓋  
茶鐺無水斲崖冰城頭看樹低三尺雲裏有山知幾層  
欲寄江南問春信珠璣落紙筆光凝

凍雲岩壑曉瞳矐目極齊州望欲空落月回光窺上界

嬌花無信誤東風  
曲吹鐵笛驚雲散  
槎向銀河與海通  
野客燒丹深洞裏  
自調火候似春融

花遶亭臺水遶門  
壺中別是一乾坤  
銀蟾飛去秋無色  
白石長來雲有根  
樹印蚪枝翻畫譜  
僧調獼髓補詩痕  
相如健筆誰堪繼  
好騁詞華賦兔園

銀漢傾翻貫月查  
驚鴻無處認江沙  
水晶簾密秋光冷  
華蓋峰高天影斜  
飛瀑半凝蒼玉佩  
薰風不度碧桃花  
山前山後多隣曲  
盡作江南富貴家

金九四八  
卷四  
俗塵無路到岩扃瓊作池臺玉作亭海月寒通千頃白  
楚山瘦減八分青回屏紋細裁龜甲野褐年深補鶴翎  
應有才華奪天巧天葩飛墜滿中庭

羽仙飛步駕青鸞仙袂臨風響佩環琪樹移根來月裏  
瓊花無夢落人間春回隴首梅先覺舟入山陰客未還  
我亦玉堂揮翰手他年鵷鷺造朝班

送蔡竹澗江山教諭

仙霞嶺與落霞齊乘興吟遊日未西簾影到池元是水

縠紋浮雨却成溪，烟靑院竹鸞窺客。日暖宮芹，燕拾泥  
莫道廣文官況冷，牕前生意草萋萋。

送余善之歸瀏陽

瀏水沈沈上有山，駱駝洲渚鬪漩深。浦楓不向霜中赤，  
湘竹猶餘淚下斑。書屋昔年驚遠別，錦衣晴晝喜初還。  
哦松未盡平生志，莫戀亭臬放白鷗。

次王吉夫暮秋旅懷韻

風吹白日下，遙天容易人。間換歲年，菊老不隨霜共落。

金步曰... 卷四  
雲飛却與雁爭先探囊野草皆為藥入市山梨便直錢  
遠道故人成久別每因景物思綿綿

其二

客路風霜厭遠行  
芰荷猶映舊袍青  
東山雲昏家千里  
南國秋深雁一聲  
玉筍班頭紅日近  
金華洞口白雲扃  
求仙何似求名切  
幾誤還丹煉未成

送盧經歷歸北

汝南不識有宗資  
幕府惟聞贊畫奇  
化筆幾驚霜共肅

歸舟祇許月相隨  
松花風老金華洞  
桐樹煙青婺女祠  
曾是舊時遊適地  
郡人終古結遺思

金華通天洞

石扉高映碧芙蓉  
二室聯翩逼翠虛  
字裏蒼苔猶自活  
茶邊寒木易成枯  
吳中太白爭華一作榮  
地林下青蘄化  
石餘三洞周回五  
百里金堂石室盡  
仙都

永日觀

幾番落葉樹陰殘  
說與山人更不看  
春日花連小東白

金身日... 卷四  
暮年草創大還丹月車長遶吳天角石影生從太極前  
只把蟠桃分歲月一花一實一流年

拙齋

無心奔競已才疎投筆拋書學佃漁石鼎有時然綠楚  
水扉幾度種丹魚夏禽反舌餘聲盡薜荔連牆片影無  
我亦年來聲跡斷莫題書札問潛夫

心遠菴

著屐登山援葛藟聽猿待月夜眠遲書成袖裏燕銜去



月死枝頭猿不知寄遠豈無萱草帶勒銘自寫茯苓芝  
何須更覓桃源路朝市山林處處宜

石廬

風磴盤空冷逼人林居穴處古遺民砂飛滿地猶如燕  
草綠知天不愛春河漢帶星臨石上廣寒無月庇花身  
只愁急雨隨風度結屋半間留白雲

正月  
晦治

雪觀

綠楚丹萸處處迷東風吹下萬玕琪月無寸影夜如曙

地有六花春不知玉樹曾聞後庭曲  
天葩別有寄生枝  
瓊樓銀闕知何限約客瑤池未可期

三泉

泉眼離離傍石稜奔流脈脈到軒楹  
詩成石面花無數  
夢冷池頭草不生江夏茶經有遺譜  
南磳水落變新聲  
林居漸覺機心斷渴鹿逢人自不驚

瀑布

恠雨蠻烟入座寒居然煙雨隔晴天  
化為淮海水三丈

剪下松江水半邊蜀客槎星向天上翰林詩句落風前  
自從擊碎潭心月直至於今不肯圓

石礪樓

冷雲堆裏散人家疊嶂回峰徃徃遮觸石纔通西澗水  
借春只有北枝花月臨古徑松陰鬪風引前朝樹勢斜  
誰信壺中天地濶庭除帷幕浩無涯

少微巖

石醜松寒榭葉

榭葉一作夏穉

乾振衣又在碧霞邊南州處士

星猶在今歲中秋月未圓

十五日題  
十六日望

雲葉長黏岩上石

雨苔不滿洞中天麝香眠處休驚起綠桂初紅果欲然

西巘紫霞洞

洞壑霞雲護隱居西巘洞下是華胥殘紅墮地五銖重  
漲綠過樓一丈餘瑤草碧花牛氏石錦囊玉軸米家書  
東州歲賦三千粟我亦依岩學佃漁

山堂

石甌寒來雪易凝北峰良夜月盈盈人離雪外只方丈

月比城頭低一程  
息石有稜依砌活  
茯苓無種入庭生  
白雲寒處人蹤絕  
不是山光說性情

贈蕭浣平寇

人物江南第一流  
將才儒術兩無儔  
英雄門列三千士  
功業家傳萬戶侯  
金虎佩章光奪月  
玉龍出匣氣橫秋  
奸回向化烟塵息  
坐擁笙歌醉玉樓

次韻黃晉卿見寄之什

幾載林丘草木黃  
故人霄漢獨難忘  
宮衣雨露猶沾濕

文律江湖共短長  
筆蹟舊時傾  
褚薛才名此日數  
鼉張  
他年明月中山寺  
重與詩人話夜涼

又

殿前對策士如牆  
我對山人說坐忘  
歲晚單衣祇自短  
愁來白髮有時長  
山中蠟屐晴猶著  
石上朱絃雨更張  
有客江邊期不到  
只今秋日轉淒涼

鹿皮子集卷四